

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্র সরকারের অর্থায়িত খাদ্য নিরাপত্তা কর্মশালা আগামীকাল শুরু

ঢাকা, ১৭ই ফেব্রুয়ারি -- যুক্তরাষ্ট্র সরকার খাদ্য নিরাপত্তা বিষয়ে দুই দিন ব্যাপী একটি কর্মশালার আয়োজন করেছে। এটি আগামীকাল ১৮ই ফেব্রুয়ারি শুরু হবে। বাংলাদেশ সরকার এবং খাদ্য ও কৃষি সংস্থা (এফএও)-এর উর্ধ্বতন কর্মকর্তা, উন্নয়ন সহযোগী ও সুশীল সমাজের সদস্যরা এতে অংশগ্রহণ করবেন। অংশগ্রহণকারীরা 'জাতীয় খাদ্যনীতি সক্ষমতা বৃদ্ধি কর্মসূচি' (এনএফপিসিএসপি)-এর অধীনে খাদ্য নিরাপত্তা ক্ষেত্রে চলমান গবেষণা নিয়ে আলোচনা করবেন এবং জাতীয় খাদ্যনীতি সুচারূপে বাস্তবায়নে সরকারের কাছে সুপারিশ প্রস্তাব করবেন। ইউএসএআইডি'র মাধ্যমে যুক্তরাষ্ট্র সরকার এবং ইউরোপীয় কমিশনের অর্থায়নে বাংলাদেশ সরকার ও এফএও যৌথভাবে এনএফপিসিএসপি পরিচালনা করছে।

সকলের জন্য খাদ্য নিরাপত্তা নিশ্চিত করার বিষয়ে বাংলাদেশে নতুন করে দৃষ্টি নিবন্ধ হয়েছে। যুক্তরাষ্ট্র সরকার সমর্থিত এনএফপিসিএসপি সমন্বিত, ন্যায্য, জেডার সংবেদনশীল এবং দারিদ্র্য দূরীকরণের লক্ষ্যে নিবেদিত 'জাতীয় খাদ্যনীতি' ও 'নীতি কর্ম পরিকল্পনা' নজরদারিতে বাংলাদেশ সরকারের সক্ষমতা বৃদ্ধি করছে। এই কর্মসূচি খাদ্য নিরাপত্তায় ঝুঁকিগ্রস্তদের বিষয়ে সংলাপে উৎসাহিত করে। এনএফপিসিএসপি বাংলাদেশ সরকারের নীতি বিশ্লেষক এবং প্রাতিষ্ঠানিক গবেষক ও সুশীল সমাজের মধ্যে শক্তিশালী সংযোগ স্থাপনে সহায়তা করে।

১৯৭১ সাল থেকে যুক্তরাষ্ট্র সরকার বাংলাদেশকে পাঁচশ' কোটি ডলারের বেশি উন্নয়ন সহায়তা প্রদান করেছে যার মধ্যে অর্দেকেরও বেশি ছিল খাদ্য সাহায্য। যুক্তরাষ্ট্র সরকার বাংলাদেশকে যেসব বিষয়ে সাহায্য প্রদান করেছে তার মধ্যে আছে: আরো বেশি স্বচ্ছ ও জবাবদিহিমূলক শাসন ব্যবস্থার জন্য সহায়তা; শিক্ষিত, স্বাস্থ্যবান এবং আরো বেশি দক্ষ জনগোষ্ঠীর জন্য সহায়তা; সমতাপূর্ণ অর্থনৈতিক প্রবৃদ্ধির মাধ্যমে অর্থনৈতিক সুযোগ বৃদ্ধিতে অর্থায়ন; খাদ্য সহায়তা, এবং দুর্যোগ প্রশমনে সহায়তা।

=====

জিআর/২০০৯

দ্রষ্টব্য: এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই- মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।